



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format


**Adapt** — remix, transform, and build upon the material

1904. № 1448.

3253

ԵՆՈՎԷ ՏԷՐ-ԱՐԻՍՏԱԿԷՍԵԱՆ


ԵՐՈՒՍԱՂԵՄԻ ՀԱՅՈՑ ՊԱՏՐԻԱՐԲՈՒԹԻՒՆԸ



ԵՐՈՒՍԱՂԵՄԻ ՀԱՅՈՑ Ս. ՅԱԿՈՎԲԱՆԸ ՎԱՆԲ.

«Սիոնի մօտ, Փրկչի Դերեզմանին կից, Ս. Յակովբայ վանքի կամարների տակ դարիւ դարիւ մրմնջում են հայի խաղաղութեան, եղբայրասիրութեան և լուսամիտ ձգտումների զաղափարները»:

Արշակ Կայծունի.



ՄՈՍԿՈՒԱ

ԱՆ Ք. ԲԱՐԽՈՒԴԱՐԵԱՆԻ 1904.

БИБЛИОТЕКА  
ИСТОРИКО-ЭТНОГРАФИЧЕСКАЯ  
САНКТ-ПЕТЕРБУРГСКОГО  
УНИВЕРСИТЕТА

281  
т-37

04 NOV 2009


C 9PM-V  
3253

281

m-37

ԵՆՈՎԻ ՏԷՐ-ԱՐԻՍՏԱԿԷՍԵԱՆ Ի

# ԵՐՈՒՍԱԴԵՄԻ ՀԱՅՈՑ ՊԱՏՐԻԱՐՔՈՒԹԻՒՆԸ



ԵՐՈՒՍԱԴԵՄԻ ՀԱՅՈՑ Ս. ՅԱԿՈՎԲԵԱՆՑ ՎԱՆՔ.

«Սիօնի մօտ, Փրկչի Գերեզմանին կից, Ս. Յակովբայ վանքի կամարների տակ դարիւ դարիւ մրմնջում են հայի խաղաղութեան, եղբայրասիրութեան և լուսամիտ ձգտումների զաղափարները»:

Արշակ Կայծունի.

ՄՈՍԿՈՒԱ.

ՏՊԱՐԱՆ Ք. ԲԱՐԽՈՒԴԱՐԵԱՆԻ  
1904.



14 AUG 2013

7138

Дозволено Цензурою. С.-Петербургъ, 3 Февраля 1904 г.



60457.67


Типографія Х. Бархударянцъ, Москва, Срѣтенка, д. Бѣлева.

ԲԱԶՄԵՐԱԽՑ ՀՕՐՍ

ԱՐԺԱՆԱՊԱՏԻՒ ՏԵՐ ԱՐԻՍԱԿԷՍ ՔԱՀԱՆԱՅԻՆ

Ն Ո Ւ Է Ր

ՈՐԴԻԱԿԱՆ ՍԻՐՈՑ.



## ԲԱԶՄԵՐԱԽՑ

ԵՒ ՊԱՏՈՒԱԿԱՆ ՀԱՅՐ ԻՄ

Վաղամեռիկ մերկանս անփոխարինելի կորստեան սգայլի օրեր ողբալու համար՝ Ս. Երուսաղէմի սրբավայրերը դիմեցիր. Երկնային Վարդապետի Ս. Գերեզմանին վերայ արցունքներդ թափեցիր և մխիթարուցար. Այդ ծանր հարուածը բաւական չէր կարծես. հազիւ թէ հայրենիքդ էիր վերադարձել սիրելիներիդ մխիթարելու՝ դժբաղդ մեր աշխարհի ընդհանուր և յանկարծահաս աւերումները Վարապայ հովտից Քեզ Մասեաց ստորտը փոխադրեցին նորից, և ահա այնտեղն էլ մահուան սև սուգը դարձեալ պաշարեց Քո ծերութեան ալեզարդ օրերը. նոր պանդխտավայրումդ կանաչ կտրիճ զոյգ սիրելիներիդ մահարձանները բարձրացան աղի արցունքներ թափող աչքերիդ առջև. բայց Դու Յովք երանելոյն նման, և իբրև Աւետարանի ճշմարիտ հաւատացող մը, փառք տուիր Աստուծոյն. Փրկչի Ս. Գերեզմանի և Երուսաղէմի սրբավայրերի յիշատակներով մխիթարուած՝ մխիթարեցիր նաև քո դժբաղդ և տարագիր զաւակները:

Ս. Էջմիածին տեանելիս՝ միշտ յիշեցիր և Ս. Երուսաղէմը, ուր անշէջ կերպով կը վառվի մարդասիրութեան, անձնազոհութեան և խաղաղասիրութեան կենդանի օրինակ— Խաչեայն Յիսուսի Ճշմարիտ Հաւատքի լոյսը:

Պարզ և սուրբ Հաւատքիդ կենդանի ցուքերը թող միշտ փայլին տարաբաղդ զաւակներիդ համար, և Քո բարոյասէր վարուց կենդանի օրինակը թող ընդերկար տարիներ նուիրէ մեզ Աստուած, որ կենդանի խօսքերովդ կարող լինիս յեղյղել մեզ ս. Աւետարանի հեղինակի և Նրա ծննդավայր Ս. Երուսաղէմի պատմութիւնը, զոր կը սիրես հոգւոյդ չափաւհա և այդ առթիւ սոյն փոքրիկ աշխատութիւնս կը նուիրեմ բազմերախտ Հպրութեանդ:

Ամենախոնարհ որդիդ

ԵՆՈՎԻՔ ՏԷՐ-ԱՐԻՍՏԱԿԷՍԵԱՆ.

## ԵՐՈՒՍԱՂԷՄԻ

### ՀԱՅՈՑ ՊԱՏՐԻԱՐՔՈՒԹԻՒՆԸ

Սուրբ Երուսաղէմում զանուում է Քրիստոնէից ամենահին և ամենանուիրական մի վանք, ուր Քրիստոսի աշակերտներից ընտրված Առաջին Եպիսկոպոսը հաստատել է իւր աթոռը: Այդ առաջին Եպիսկոպոսը Տեառն հղայր Յակովբ Առաքեալն էր, որի անուամբ բարձրացած է Ս. Յակովբեանց վանքը: Այդ վանքումն է գտնուում Երուսաղէմի հայոց պատրիարքական աթոռ՝ իւր միաբանութիւնով:

Աւանդութիւնը ասում է, որ այդ վանքումն է Յակովբ Տեառն հղբօր իսկական աթոռը, ուր նա բազմել է իբր գլխաւոր հովիւ ընդհանուր քրիստոնեաների:

Ներկայումս, ամէն տարի, սուրբ Յակովբայ օծնախմբութեան օրին միայն, Երուսաղէմի հայոց Պատրիարքը հանդիսաւորապէս բազմում

է այդ աթոռի վերայ, իբրև յաջորդ նոյն Առաքեալի և Առաջին Եպիսկոպոսի:

Մեզ երբէք հետաքրքրական չէ գիտենալ, թէ այժմ ուրիշ Քրիստոնեայ ազգելը ընդունում են այդ աթոռի առաջինն և գլխաւոր լինելն՝ թէ ոչ. կամ թէ հռովմի Պապը — Պետրոս Առաքեալի յաջորդն կ'ընդունի Յակովբ Տեառն եղբոր աթոռի յաջորդին իբրև Քրիստոնէութեան առաջին հովուութեան և Եպիսկոպոսութեան ներկայացուցիչ: Սակայն, ընդհակառակն աւելի հետաքրքրական է մեզ, և պէտք է լինի ընդհանուր հայերի համար այդ վանքի գոյութիւնը, որ քրիստոնութեան պատմութեան հետ հաստատուել է այդ նուիրական երկրի մէջ և մեր նախնիք իրենց արեան գնով ջանացել են միշտ հաստատուն պահել, և այդպիսով մինչև մեզ են հասցրել:

Իսկ այժմ ընդհանուր հայերին է մնում այդ պարտքը, որ նոյն վանքի գոյութիւնը բարեւաւոր և նրա բարոյական պատիւն բարձրացնելու համար իրենց նիւթական նպաստները չըխնային երբէք. որպէսզի մեր այդ հնադարեան վանքը, իւր շուրջը գտնուած հսկայ ազգերի նախանձոտ մրցման մէջ, նիւթական դժուարութիւններից չ'ընկձվի և չը կորցնէ իւր դիրքը:

Ներկայ դարը միմիայն տնտեսական և նիւթական ուժով է կառավարվում: Նիւթական ուժը շատ անգամ կլանում է բարոյական սկզբունքներին. իսկ մենք հայերս չունենք ոչ մի յայտնի բարոյական ուժ՝ բացի հայ Եկեղեցւոյ անկախ և ինքնուրոյն պատուէն, որ մեզ նման մի խեղճ ազգը հզօր և հսկայ ազգերի շարքին է կազնեցնում այն տաճարների և սրբավայրերի մէջ՝ ուր մեր պաշտելի Աւետարանի հեղինակի պատուին սեղաններ են կանգնեցրել պատարագի համար, ուր նրա մարտիրոսութեան և անձնազոհութեան սուրբ սնօրինութիւնները կը յարգեն ընդհանուր քրիստոնեաներն և աշխարհիս վերայ չըկայ մի տեղ, ուր հայ ազգն միւս քրիստոնեայ հզօր ազգերի շարքին այնքան փառաւոր և միջազգային դիրք ունենայ՝ ինչպէս որ ունի Սուրբ Երուսաղէմում:

Վաղուց տիրել էր ինձ մի փափաք՝ այս մասին խօսել ռուսահայ սիրելի եղբայրներիս հետ. հրապարակաւ հրաւիրել նրանց ուշադրութիւնը Երուսաղէմի հայոց Պատրիարքական աթոռի և Ս. Յակովբեանց վանքի կարևորութեան վերայ. և ահա այս անգամ ներկայացաւ մի առիթ, որ քաջալիրեց ինձ այդ փափաքս իրագործելու համար:

Նախորդ 1903 տարւայ Սուրբ Էջմիածնի 1600 ամեակի առթիւ Ս. Պետրերուբոլմ հրատարակուած է մի փոքրիկ աշխատասիրութիւն՝ որի յառաջաբանն որչափ կարճ՝ այնքան ազդու և գեղեցիկ է ցոյց տալիս, թէ հայ ազգն իւր առանձնայատկութիւններով փայլում է աւելի իւր եկեղեցւոյ ստուերում և ՚ի միջի այլոց ասում է, «Մասիսի ստորտում Ս. Էջմիածինը 1600 տարի կանգնած է իբրև վկայ հայկական ազգի փառաւոր անցեալի, Սիօնի մօտ՝ Փրկչի Գերեզմանին կից, Ս. Յակովբայ վանքի կամարների տակ դարիւ-դարիւ մրմնջում են հայի խաղաղասիրութեան, եղբայրսիրութեան և լուսամիտ ձգտումների գաղափարները:

Փրկչի Սուրբ Գերեզմանն երեք պահպան ունի, դորանք երեք ազգի պատրիարքներն են, հայոց, Յունաց և Լատինացոց: Եւ եթէ Լատին և Յոյն Պատրիարքներին նեցուկ են եղել և են բազմաթիւ զօրեղ թագաւորները, հայը յինուած է միայն Խաչին, միայն Աւետարանին. և Խաչով և Աւետարանով տէր է Յիսուսի Գերեզմանին, որի վերայ և հայաստանեայց եկեղեցւոյ նախնաւանդ ծէսերն է կատարում՝ մայրենի լեզուով—հայոց լեզուով:

Ազգերն ապրում են իրենց առանձնայատկու-

թիւններով, որոնցով շատերը բախտաւոր են, երջանիկ. և այդ բախտաւորութիւնն ու երջանկութիւնը նորանց վիճակվել է քաղաքական հանգամանքների շնորհիւ: Հայի առանձնայատկութիւնը որոշող գլխաւոր գործօն այսօր եկեղեցին է: Հայն այսօր եկեղեցւոյ ստուերում է յիշում իւր ծագումը, իւր մայրենի լեզուն, իւր նախնեաց սիրագործութիւնները և նորանց թողած ժառանգութիւնները:» (Ա. Կ.)

Սոյն տողերից աւելի գեղեցիկ ոչ մի խօսք չէ կարող լինել, որ ամէն մի հայուն ցոյց տար թէ ինչ որոշ չափով հայն պարտքեր ունի դէպի իւր եկեղեցին և դէպի իւր մայրենի լեզուն: Նոյնպէս և Երուսաղէմի մէջ հայոց ունեցած դիրքը մասնաւորապէս ցոյց տված է շատ փառաւոր կերպով. որից նորէն յառաջ կը բերենք հետևեալ տողերը:

«Շատ հին ազգերը, շատերն իսկ հայերի դրացիներ՝ զօրեղ, աշխարհ դրողացնող Ասորիք Բաբելացիք, Մեդիացիք, Եգիպտացիք և այլքն չքացել են աշխարհի երեսից. սակայն հայկական ազգը ոչ միայն իւր գոյութիւնն է պահպանել, իւր հայրենիքը գգուել, այլ Աւետարանը գրկած՝ այսօր ազատ, անկախ եկեղեցւոյ իշխանութեամբ կանգնած է լուսաւոր ազգերի



շարքում, կանգնած է Փրկչի գերեզմանի մօտ և կանգնած իբրև նորա տէրը, նորա պահապանը:» (Ս. Կայծ.—Ս. Էջմիածին 1600-րդ տարեգարձ Մ. Պետերբուրգ. 1903. երես 6—8):

Երուսաղէմի վերայ քրիստոնէի մը ունենալիք զգացումն չէր միայն, որքան Էջմիածնի 1600-ամեակի առթիւ Ռուսահայոց մէջ լոյս տեսած այդ փոքրիկ՝ բայց շատ գնահատելի տետրակը, որ Թուամանեան Պ. Արշակ Կայծունիի աշխատութիւնն է, բայց դժբաղդաբար իւր անունը չըկայ յիշուած նոյն տետրի վերայ, մեր վերև յառաջ բերած տողերովն ինձ համոզեց լիովին, թէ՛ հայ ազգն ի՞նչքան պէտք է պարծենայ իւր եկեղեցիովն, որի մէկ աթոռն էլ Երուսաղէմում, Ս. Յակովբեանց վանքումն է:

Ես չեմ ասեր թէ, պէտք է հպարտանանք Ս. Յակովբեանց վանքի քրիստոնէութեան առաջին եպիսկոպոսութեան աթոռն լինելուն վերայ. և ո՛չ էլ մեզ պատմական փաստեր կարևոր են, թէ ե՞րբ և ի՞նչ կերպով հայ ազգն այդ առաքելական աթոռն իւրացուց. պատմագէտները թող կատարեն այդ պարտքը: Այլ մեզ պէտք է քաջալերէ այն իրականութիւնը, որ ընդհանուր քրիստոնէից յարգանք վայելող Յակովբեանն եղբոր հովուական աթոռը կը բազմի

հայ Պատրիարքը. նրա փարսխում կապատանի հայ միաբանութիւն մը, հայ լեզուն հընչում է նրա կամարների տակ. հայի շարականներն են երգում նոյն տաճարի մէջ, ուր երբեմն ընդհանուր ազգերից բաղկացած քրիստոնեայ եկեղեցին նուիրագործում էր սիրոյ և խաղաղութեան սուրբ պատարագը:

- Եթէ յետագայ դարերը նախանձ սերմանեցին այդ պարզ հաւատացեալների սերնդեան սրտում, որով նրանք սկսեցին կրօնական ծէսերի սին վիճաբանութիւններով զբաղվել. եթէ հռովմ գլուխ բարձրացրեց և ինքզինքն ընդհանուր քրիստոնէից գլուխ կուզէ հռչակել. եթէ Բիւզանդիոնը հպարտացաւ և Պօլսոյ մէջ տիեզերական պատրիարքութիւն հաստատեց, սակայն Յակովբեանց վանքի հայ միաբանութիւնը իւր համեստ դիրքը չը փոխեց երբէք. նա հաւատարիմ մնաց Երկնային Վարդապետի և Աւետարանի հեղինակի ամենաբարձր սկզբունքներին. հայ Պատրիարքը միշտ հետևեց սիրոյ և խաղաղութեան ձայնին, որ բացայայտ կերպով հընչում է, «Ձեզանից ով որ մեծն է՝ նա սպասաւոր պէտք է լինի»:

Երուսաղէմի հայոց Պատրիարքութիւնը նոյնպէս երբէք չը բարձրամտեց միւս աթոռների

դէմ իւր առաքելական աթոռի իրաւունքներով-  
այլ նա շատ լաւ հասկացաւ Յիսուսի շեշտած  
այն խօսքերը, որ ասաց «դուք ամենեքեանքդ  
մի էք:»

Հայոց Առաքելական Սուրբ Եկեղեցւոյ Երու-  
սաղէմի պատրիարքութիւնն աշխարհական ճրգ-  
տումներով նուաստացած չէ բնաւ. բայց զա-  
նազան դարերում հեթանոսների աւերումները,  
քրիստոնեայ ազգերից զօրեղ դիրք ունեցող Յոյն  
և Լատին ցեղերը թէ և շատ անգամ խլել են  
նրա իրաւունքները, միշտ խանգարել են նրա  
խաղաղութիւնը, սակայն և այնպէս նա միշտ  
մնացել է իւր բարոյական բարձրութեան վերայ:

Սյդ պատրիարքութեան համեստ զիրքը և  
պարզ պատրիարքարանը արգելք չեն կարող  
լինել, որ ներկայումս ամենաբարձր և տիրող  
ազգերի պետերը, Երուսաղէմ գնալիս չ'այցելեն  
նաև Հայոց Պատրիարքին. ինչպէս որ այդ ցոյց  
տուեց Գերմանիոյ Վեհապետն, իւր նախորդնե-  
րին հետևելով:

Ուրեմն երբ օտար լուսաւորեալ ազգերը և  
վեհապետները յարգում են Հայոց Երուսաղէմի  
այդ հնադարեան պատրիարքութիւնը, հապա  
ո՞րչափ պարտաւոր է ամէն մի հայն այդ վանքի  
զոյութեան համար մտածելու, և իւր կարողու-

թեան չափովն օգնելու այդ վանքին, որ նիւթա-  
կան անտանելի դժուարութիւնների մէջ, պար-  
տուց տակ շարունակ կը ճնշուի:

«Պարտք կայ Երուսաղէմի վերայ, Պարտք  
ունի, շատ պարտք ունի մեր Երուսաղէմի պատ-  
րիարքութիւնը, տարին ահագին գումարներով  
տոկոս կը վճարէ, պէտք է ատոր մի ճար գրա-  
նել, պարտքից ազատել մեր վանքը:» Սյս է  
եղեր 'ի վաղուց Երուսաղէմի և Պօլսոյ Հայ  
Պատրիարքների դիմումները դէպի Թրքահայ  
Ժողովուրդ. և անոնց ամենայետին մշակն ան-  
գամ, ամենախեղձ զիւղացին անգամ, իւր տէ-  
րութեան վճարելիք զինւորական տուրքին հետ  
տարին մի քանի դուրուշ (8 կօպ.) սիրով վճա-  
րել է Երուսաղէմի պարտուց հաշուին, սակայն  
և այնպէս այդ պարտքերն չեն վերջանար, վասն-  
զի օտարների նախանձը չը թողներ որ վերջանայ:

Ուստի ընդհանուր Հայ ազգի պարտքն է, որ  
իրենց հնադարեան մի պատրիարքական աթոռի  
պատիւ պահպանել և բարձրացնել աշխատեն  
ընդմիշտ: Եթէ Թրքահայ մշակն անգամ- իւր  
տուրքը չը խնայեր Երուսաղէմին, Ռուսահայ  
հղբայրնիս երբէք չը պէտք է խնայեն. իսկ նրանց  
հարուստ դասակարգերն աւելի ևս պարտաւոր  
են իրենց բարեսիրական նպատակներին իրրև մի

կենդրոն ընտրել Երուսաղէմի Հայոց Ս. Յակովբեանց վանքը. ուր հոգևոր բարձր ճեմարանի, ճոխ դրապարանի, արուեստանոց—որբանոցի, հիւանդանոցի, նոյնպէս և շատ մը վանքերի վերանորոգման, և կալուածների կանոնաւորութեան համար՝ զրամական մեծ կարիք կայ ընդ միշտ:

«Ս. Էջմիածին» գրող յարգելի Հեղինակը շատ յարմար տեղումն է յիշել Ս. Յակովբեանց վանքի անունը: Վասն զի եթէ Ս. Էջմիածինն, իբրև մայր աթոռ, հայերի ուշադրութեան արժանի է, նոյնպէս և Երուսաղէմի Պատրիարքական աթոռը, որ աւելի հին է, նոյնպէս արժանի է ուշադրութեան:

Երուսաղէմը ընդհանուր քրիստոնեայ ազգերի համար միջազգային և նուիրական մի սրբավայր է. Սմերիկայէն, Եւրոպայի զանազան խորերէն Յոյն և Կաթողիկ անթիւ ուխտաւորներն այցելում են այնտեղ, մեծ մեծ գումարներով նուիրաւորութիւնները կանեն իրենց վանքերին. իսկ խեղճ Հայոց վանքերն, հաղիւ թէ տարվայ ընթացքում մի քանի ուխտաւորներ կուենան, որոնցմէ շատերի տուած նուէրն արդէն իրենց վերջին լուման է:

Եւրոպացի այցելուների մէջ յաճախ կը պա-


ВНЕШНЯЯ  
ИНОСТРАННАЯ  
КОММУНИКАЦИЯ  
Соединенные Штаты  
СССР

տահին շատ մը միլիոնատէրերը, արքայազուհի իշխան և իշխանուհիները, դիւանական մարմինները, որոնք ամէնքն էլ կը տեսնեն, որ Երուսաղէմի բոլոր սրբավայրերում Յոյն և Լատին աշխարհաճանօթ հոգևորականութեան կողքին, հաւասար իրաւունքներով, կանգնել է մի փոքրիկ ազգի հոգևորականութիւնը—Հայոց միաբանութիւնը. մինչդեռ մի այդպիսի տեղը՝ շատ մը հզօր և պետական ազգերի կղերն իրաւունք չունի իւր պատարագն անելու:

Ս.հա այս պարագան ընդհանուր աշխարհին ցոյց կը տայ, որ քրիստոնէական նախնի դարերում, մինչ ճոովմի և Բիւզանդիոնի իշխանութեան կը հպատակէր աշխարհի մեծ մասը, հայն այն ժամանակ ոչ թէ միայն քրիստոնէական կրօնի ծաւալման առաջին հոգատար ազգն է եղել, որով իւր ձեռքն է պահել Յակովբեանոնեղբօր Պատրիարքական աթոռը, այլ նա և քաղաքական մեծ կարեւորութիւն ունեցող մի զիրք է ունեցել. որով թէ Ս. Յարութեան տաճարում, և թէ ուրիշ նշանաւոր սրբավայրերում, այդ երկու նշանաւոր քրիստոնեայ ազգերին հաւասար իրաւունքներ ունեցել է. ուր ոչ մի ուրիշ ազգը չէ ունեցել մինչ այժմ:

Սակայն ներկայումս ամէն քրիստոնեայ ազգ-

79-75409



րըն ճիգ են թափում տեղ գրաւել Երուսաղէմում: Ռուսիայ վաղուց արդէն տեղ է գնել Ս. Երկրում, և շատ փառաւոր ու հոյակապ վանքեր շինել է, ուր կը պահէ հարուստ միաբանութիւն\*):

Գերմանիոյ վեհապետն, որ Լուսեբական եկեղեցոյն կը պատկանի, և հին եկեղեցիների ծիսականութիւնները չընդունիր, վերջերում շատ մեծ հռահիւմով ճիգ թափեց և թիւքքայից վիրցրեց մի հին տաճար, իբր նուէր, և ժամանակաւորապէս յանձնեց կաթողիկ կղերի պահպանութեան. այդ ժամանակն էր, որ նա անձամբ այցելելով Ս. վայրերը, պատուեց նաև հայոց Պատրիարքարանը իւր վեհ այցելութեամբն:

Սյդ պարծանքն ընդհանուր հայերին կը վերաբերի. և իսկապէս ամէն մի ուշադիր և լուրջ ուխտաւորն ուրախութեամբ կը վկայէ, որ չք կայ աշխարհին վերայ մի տեղ, ուր հայը երևնար ուրիշ ազգերին հաւասար իրաւունքներով, ինչպիսին ունի Երուսաղէմում՝ Քրիստոսի Գերեզմանի և այլ սրբավայրերի մէջ, իրեն առանձին փայլովն:

\*) Ռուսաց զնած տեղերից երևացել են շատ մը հին հայկական յիշատակարաններ:

Սյդ սրբավայրերում մենք չը պէտք է նշմարենք միմիայն լոկ հայ կղերականութիւն մը. այլ յանձին մեր հայ վանականներին պէտք է դիտենք մեր ազգի անցեալը, որ փառաւոր է եղել. թէ և այդ փառաց բեկորները միմիայն եկեղեցոյ ստուերումն ենք տեսնում:

Երուսաղէմի հայոց վանքի ստուերումն մնացած այդ բեկորն մի հասարակ բան չէ, քրիստոնէութեան յաղթանակի աթոռն է այդ: Վասն զի երբ Քրիստոսի առաքեալները Յակովբ Տեառնեղբոր Երուսաղէմի անդրանիկ եպիսկոպոսութեան աթոռ նստեցրին և իրենք ցրվեցան աշխարհի զանազան կողմերը, և նահատակուեցան բոլորն էլ. սակայն իրենց յաղթանակի դրօշակը կանգուն մնաց Երուսաղէմում:

Սյդ յաղթանակի դրօշակը բարձրացած էր Առաջին պատրիարքի—Ս. Յակովբայ գերեզմանի վերայ. կանգնած տաճարի գլխին, երբ տակաւին ոչ Ս. Էջմիածին կանգնել էր Մասնաց ստորտի վերայ, ոչ Սուրբ Սովիան՝ Վոսփորի արեւում, և ոչ Ս. Պետրոսի տաճարն՝ հռովմում:

Ահա այսօր այդ քրիստոնէութեան յաղթանակի, Յակովբ Տեառնեղբոր անդրանիկ եպիսկոպոսութեան աթոռը կը նստի հայ Պատրիարքը, այդ վանքին կը տիրէ հայ միաբանութիւնը.

և այդ պարագան ընդհանուր հայերին, իսկապէս, պարծանք պէտք է համարել, որոնց անցեալը կապուել է քրիստոնէութեան յաղթանակին հետ:

Սյր պարագային երբէք չը պէտք է նայենք կրօնական նեղ հայեացքով և դրա համար էլ միշտ կրկնում եմ, որ Երուսաղէմի հայոց փառաւոր զիրքն ընդհանուր հայերին է պատկանում: Ուրեմն այն ամէն հայը, որ հայի արիւն կրկրէ, իրեն պարծանք պիտի համարէ ոչ թէ հայ Եկեղեցւոյ ծիսակատարութիւնը, այլ այն ազգային անկախ Եկեղեցին, ուր հայ լեզուն կաղօթէ, ուր հայի անցեալը կը փայլի, և ուր ներկայումս հայ ազգն, իբրև Քրիստոսի խաղաղասիրութեան զինուորը, հայ Եկեղեցւոյ բարոյական դրօշակը կը բարձրացնէ:

Սուրբ Երուսաղէմի հայ միաբանութիւնը, իւր ուսումնական աննախանձելի վիճակին մէջ, իւր զարգացման սահմանափակ ուժովն, լաւ հասկացել է քաղաքական տնտեսութեան կարևորութիւնը. ուստի մահու չափ դէմ դրել է օտար ոտնձգումներին, և կրցածին չափ պահել, պահպանել և մեզ է հասցրել մեր նախնեաց իրաւունքների մեծ մասը. մանաւանդ հոյակապ և վսեմ պատրիարքական աթոռ մը:

Իսկ եթէ շատ իրաւունքներ և շատ հոյակապ վանքեր կորսնցուցած է, դա միայն իրեն յանցանքին չնք կարող վերագրել՝ երբ ՚ի նկատի ունենանք, որ Եւրոպայի հզօր պետութիւններն էլ խաչակրաց ահագին բանակներ ոչնչացրին, բայց իրենց նպատակին չը հասան:

Հայ խեղճ միաբանութիւն մը մեծ գործ է կատարել այսչափին էլ մեզ հասցնելով: Իսկ երբ այսօր մեր ազգն դարուս լուսաւորութեան, և քաղաքակրթութեան ասպարէզին վերայ իբրև մի ազգ ճանչցուելու իրաւունքներն ունի, իւր առաջին պարտքն պէտք է համարէ հայ հոգևորականութեան մինչև օրս պահպանած Ս. Երուսաղէմի ազգային իրաւունքներին հոգ տանել, օգնել նրան թէ նիւթապէս և թէ բարոյապէս:

Ներկայ տխուր հանգամանքներում, մեր ուսահայ եղբայրները գրեթէ շատ քիչ կայցելն Ս. Երուսաղէմ: Եթէ վիճակագրութիւն լինէր, ես կարող էի հաստատել, որ ճանապարհների և հաղորդակցութեան սոսկալի դժուարութիւնների ժամանակը, մեր նախնիք փոքր Ասիայի և Միւրիայի ամբողջ տարածութիւնը ոտքով կտրում, անցնում և հասնում էին Ս. Երուսաղէմ ուխտի, ամիսների ընթացքում: Իսկ այժմ,



որ մի երկու շաբաթվայ ճանապարհ է դարձել, երկաթուղիի և շոգենաւի շնորհիւ, դժբաղդաբար շատ քիչ ուխտագնացութիւն կայ հայերից:

Եւրոպացիներից ընդհակառակն է կատարուում: Նրանց զբօսաշրջիկներն, լուսաւորեալ և ազատամիտ, թէ հարուստ և թէ աղքատ դասակարգներն, ամէն տարի անթիւ, անհամար խումբերով կայցելեն Ս. Երուսաղէմ, և իրենց վանքերի զանձանակներին կը նուիրեն ոչ թէ յետին լուման, այլ մեծ մեծ գումարները:

Եթէ ուսաստաց եղբայրնիս փնտրու դիւրութիւն չունին, կամ թէ նոյն իսկ փափաք չունին ուխտաւոր լինելու Երուսաղէմին, այդ պարագան դադապարտելի չէ երբէք: Բայց անգիտակ մնալ հայոց Ս. Երուսաղէմում ունեցած սեպհականութիւններին և իրաւունքներին, դա աններելի յանցանք է ամէն մի հայի համար: Վասն զի Երուսաղէմի հայոց իրաւունքները բոլոր հայերի սեպհականութիւնն է:

Ուրեմն այն ամէն հայն, որ կարող է մի աննշան չափով գոնէ, օգնել իւր ազգային սեպհականութիւններին, նա պէտք է օգնէ և Ս. Երուսաղէմի հայոց պատրիարքարանին: որպէս զի մեր այդ հնադարեան աթոռը կարող լինի իւր փառաւոր դիրքը պահպանել ընդհանուր

քրիստոնէից մէջ. և աւելի ևս փառաւոր թող լինի՝ ինչքան որ մեր ազգի բարոյական մակարդակը կը բարձրանայ:

Ռուսիայի ամէն կողմերից հայերը կարող են պոստայի դրամական ծրարով նիւթական օգնութիւն ղրկել Երուսաղէմի հայոց պատրիարքարանի հասցէովն. ուր տեղ ուսական փոստայի մասնաձիւղից ստացվում է ապահովապէս ամէն մի դրամածրարը: Սյսպիսի փոքրիկ կաթիլներով Երուսաղէմի միաբանութիւնն գոնէ մի կանթեղի իւղազին կունենայ ուսաստաց կողմից: Իսկ մեծամեծ հաստատութիւնները, ինչպէս յիշեցինք, ուսումնարանը, տպարանը, գրադարանը, որբանոցը և այլն բարենպատակ հաստատութիւնները հիմնել մեր դրամատիրաց և հարուստների պարտքն է: Ռուսիոյ մեծ պետութեան պաշտպանութեան շնորհիւ, և Երուսաղէմի հայոց Պատրիարքութեան անմիջական հովանաւորութեան ներքեւ, այդպիսի բարոյական հաստատութիւնները շատ օգտակար կարող են լինել հայ ազգին:

Սյսչափից աւելի ուրիշ խօսք չենք կարող աւելացնել հասկացնելու համար մեր ուսաստաց եղբայրներին, որ իրենց պարտքն է ուշադրութիւն դարձնել դէպի Երուսաղէմի հայոց սեպ-

հականութիւնները, և դէպի նրանց բարելաւելու միջոցները. ուստի ուսաստանայ հոգևորականութեան և լրագրութեան կը մնայ մեծ պարտաւորութիւն մը, որ ջանան ծանօթացնել բոլոր ուսաստաններին մեր ազգի Սուրբ Տեղեաց մէջ ունեցած փառաւոր դիրքն: Մանաւադ հոգևորականութիւնը պարտաւոր է հոգ տանել, որ հոգևոր մխիթարութիւն փնտռող կտակարար հայ հարուստներին յորդորին և համոզեն, որ իրենց յիշատակին բարոյական հաստատութիւնները հիմնեն այդ նուիրական երկրի մէջ:

Կը ցաւինք որ մենք չենք կարող նոյնպէս տեղադրական գեղեցիկ պատկերներով ծանօթացնել հասարակութեան Երուսաղէմի զանազան սրբավայրերը. նոյնպէս չենք կարող բանաստեղծական դրուագներով կրօնասէրների կամ հաւատացեալների զգացումները զարթացնել դէպի սուրբ երկիրը, դէպի Աւետեաց աշխահը:

Վաղուց արդէն, շատ վաղուց, հայոց պաշտելի հայրիկն, Ս. Էջմիածնի Ամ. հայոց Վեհափառ հայրապետն, Իւր ազգու և հոգեմայլ տողերովն, բանաստեղծական և քաղցրախոս գրչովն, հրաւիրել է հայ ժողովրդեանն դէպի Աւետեաց երկիրը: «Հրաւիրակ Երկրին Աւետեաց» մի շատ գեղեցիկ հրաւիրագիր է Սիօնի

լեռան Վերայ բարձրացած Քրիստոսի սեղանին, այդ հրաւիրագիր կարդացող ամէն մի քրիստոնեան ջերմ փափաք զգում է մասնակից լինելու այդ հոգևոր սեղանին:

Նորին Վեհափառութիւնը Սիօնի լեռնէն Մասեաց ստորոտը հրաւիրուելով, և Ամենայն հայոց Մայր Աթոռը բազմեւէն վերջ, չըմուսացաւ ս. Երուսաղէմը: Նա նորից տպագրել տուեց Իւր այդ պատուական աշխատութիւնը: Ո՛րչափ փափաքելի էր, որ ամէն մի հայ կարգար այդ «Հրաւիրակը» որ ինքնին բանաստեղծական մի գլուխ գործոց է:

Իսկ Երուսաղէմի միաբանութեան վերայ լեռովին հաւատ ունենալու համար, բաւական է, որ ներկայիս Ամենապատիւ Տէր Յարութիւն Պատրիարքի հոգատար և բազմարդիւն պաշտօնավարութեան վերայ մի ակնարկ ձգենք: Նորին Ամենապատուութիւնը, Իւր պաշտօնավարութեան 'ի վեր, շատ աշալուրջ և հեռատես ուղղութիւնով մը, նորանոր օգտակար կարգ ու կանոններով բաւականին բարեփոխել է վանքի վիճակը, և ընդհանրապէս մեծ վստահութիւն կրկայելէ:

Աւելորդ չենք համարեր Երուսաղէմի սուրբ տեղեաց և հայ միաբանութեան վիճակը մեր

ուսահայ եղբայրներին աւելի լաւ ծանօթացնելու համար, 1894 թւոյն ս. էջմիածնի տպարանից լոյս տեսած, Մեսրոպ վարդապետ Մովսէսեանի «Ուղեորութիւն Տ. Տ. Մկրտիչ Վեհ. Կաթողիկոսի ամենայն հայոց Երուսաղէմից — էջմիածին» վերնագրով գրքէն մի քանի քաղաքներ յառաջ բերել ցոյց տալու համար թէ ս. էջմիածնի բարձրատիճան և ուսնալ հոգևորականները շատ լաւ համարում ունին Երուսաղէմի միաբանութեան վերայ:

Այդ գրքում շատ գեղեցիկ նկարագրված է քրիստոնեայ միւս միաբանութիւնների կողմից հայերին հասած վնասները. սակայն մենք չենք կարող այդ մանրամասնութիւնները յառաջ բերել ամբողջովին, այլ կարևորներն միայն կը յիշենք: Նոյն գրքի 143 երես կը կարդանք. «Ս. Աստուածածնից այցելութեան գնայիք Գեթսեմանի պարտէզը, որ Լատինները պարսպով շրջապատել են, և չորս բոլորը ներկայացրել են Քրիստոսի չարչարանաց այլ և այլ տեսարանները: Յետոյ եղանք ուսսաց նորակառոյց տաճարի մէջ, որ շինուած է քաղաքի հանդէպ հովտի լանջի վերայ և որտեղից դէպի քաղաք հիանալի տեսարան է և ուր նստել է Յիսուս յանդիման տաճարին: Այդ տեղից վեր բարձրա-

նալով գնացինք համբարձման լեռը: հայերը մի ժամանակ այդտեղ տաճար են ունեցել և այսօր էլ դեռ տաճարի սիւների հետքերը մնում են, բայց Յոյներն ու Լատիններն դրդել են տաճիկներին, իրենք էլ նոցա հետ միանալով, կործանել են տուեր եկեղեցին. իսկ այսօր մի վտրրիկ դմբէթ է կանգնեցրած նրա տեղ: Այդ դմբէթի շուրջը, համբարձման օր երեք ազգերը միասին պատարագ են մատուցանում: Նոյն համբարձման լեռան բարձրութեամբ ընկնում է ուսսաց երկրորդ նորակառոյց վանքը, ուր մի ժամանակ հայկական վանքեր և շիրիմներ են եղել. իսկ դորա փայլուն ապացոյցը այն թանկագին մօզայիքներն են, որոնց վերայ հայերէն տառերով և լեզուով այլ և այլ յիշատակարաններ կան գրուած. այդ մօզայիքներից մէկը և ամենամեծը գտնւում է ուղղակի տաճարի դրան մուտքի մօտը. մէկը տաճարից դէպի հիւսիս է ընկած, գտնւում է մի բաւական ընդարձակ արհեստական այրի մուտքի վերայ: Այրի մէջ գտնուել են շիրիմները, որ կը հաստատեն թէ այդ շիրիմները Ռուբինեանց իշխանների շիրիմներն են եղած: Այդ երկուսի համաչափ ձևանկարները կախուած է հայոց Պատրիարքարանի զահլախի հանդէպ: Վերջին և 3-րդ մօզայիքը նոր է

զտնուել տաճարի արևելեան մասում. բայց որովհետև այնտեղ ոչ մի շինութիւն չըկայ, նորից հողով ծածկել են, որ չըվաստուի: Ռուսները մեծ խնամք են տանում այդ թանկագին հուսթեանց պահպանութեան վերայ»:

Անցնելով նոյն զրբի 146 երեսը, հետևեալը կըկարդանք.

«Ինչքան մեծ է Փրկչի ճննդեան տեղի նշանակութիւնը քրիստոնեաների համար, այնքան էլ մեծ են յաճախ կռիւները, որ մղում են երկք ազգութիւններն իրենց իրաւունքները պաշտպանելու, և եթէ կարող լինեն ուրիշներ ևս սեպհականելու: Ժամանակի ընթացքում տեղի են ունեցել ամենասարսափելի կռիւները, ընդհարումները, այնպիսի դէպքեր են պատահել, որ պատարազիչ քահանան զգեստաւորուած փայտ ձեռին կռիւ է մղել հակառակորդների դէմ: տէրութեան թուլութիւնից և և անվճռականութիւնից ոչ մի հնար չը կայ խաղաղութիւնը վերականգնելու. որովհետև Յոյներն և մանաւանդ Լատինները ուղղակի չեն ուզում խաղաղութեամբ ապրել. նոցա ձգտումն է աղմուկներ բարձրացնելով ցոյց տալ իւրեանց ջերմեռանդ հաւատակիցներին, որոնցից մեծ մասը անտեղեակ են կռիւների բուն պատճա-

ւին, թէ իրենք ինչպիսի ջերմեռանդութեամբ, ինչ մեծ զոհաբերութեամբ պաշտպանում են իւրեանց կրօնական շահերը Ս. Երկրում»:

Նոյն զրբը շատ լաւ նկարագրում է հայ միաբանութեան կրած ծանր ծանր վնասները, վերոգրեալ խռովարարների կողմից. պատմում է Լատինաց կողմից հայոց եկեղեցւոյ յատակի խրսիր կտրելով՝ հայոց մասը յափշտակելին, որի համար, նոյն զրբի 149 երեսում կաւելացնէ հետևեալն.

«Ամէն տարի խրսիր ձգելու արտօնութիւն են ստանում (հայերը) բայց Լատինները բռնութեամբ արգելք են լինում Սուլթանի հրաման կատարելուն: Զարմանալի զուգադիպութիւն ենք զտնում այստեղ. կարծես ամէն ժամանակ և ամէն տեղ վիճակուած է հայերին երկու կրակների մջ ապրել, և երկու կողմիցն էլ անընդհատ ճնշուել: Ինքն ըստ ինքեան չնչին են երևում վերոյիշեալ խնդիրները, բայց ինչպէս ամէն տեղը, ամէն դէպքում, իրաւանց կորուստը աննշան հանդամանքներից է սկսում: հայերը մի քայլ յետ կանգնելով, շուտով երկրորդ քայլը յետ պիտի կանգնեն. և միջոց չեն ունենալ թուական և նիւթական ուժի առաջ այն մեծ իրաւունքները և զիրքը պահպանե-

լու, ինչպիսին նոքա այժմ ունին Ս. Երկրում:  
 «Երուսաղէմի վարդապետը փոքր հասակից կրթուելով Յակովբեանց վանքում, մանկութիւնից վարժուում է յարգել և պաշապանել ազգային սեպհականութեան իրաւունքը: Աւանդական պատուասիրութեան զգացմունքը շատ զօրեղ է նորա մէջ: Մի հանգամանք ևս այնտեղ նպաստում է Ազգային իրաւանց պաշտպանութեան. ամէն մի դաւանութեան պատկանողը պաշտպանութիւն է գտնում այս կամ այն տէրութեան ներկայացուցիչների կողմից. օրինակ Լատիններին բացարձակապէս պաշտպանում է ամէն մի խնդրում Փրանսիայի Հիւպատոսը: Յոյների պաշտպանը Օրդոզօքս իշխանութիւններն են: Հայերը արտաքին պաշտպանութիւն չունենալով, գտնուում են անմիջապէս Սուլթանի հովանաւորութեան տակ, իբրև նորա հպատակները:»

Իսկ Հայ միաբանութեան մասին կրխօսէ Հեռեւեալն, նոյն զրքի 162 երեսն:

«Գալով վանքի ընդհանուր տպաւորութեան մասին, սպասածից լաւ գտանք: Ամենից գովելին այն է, որ նոքա շատ կանոնաւորեալ կազմակերպութիւն ունին. նոքա լաւ ըմբռնելով վանական կեանքի պայմանները, աւանդապատհ

են մնացել, կրել են և կրում են շատ նեղութիւններ անկրճատ պահպանելու իւրեանց իրաւունքները Ս. տեղերի վերայ: Մենք տեսանք թէ Ս. Յարութեան տաճարում նոքա ինչքան տեղ ունին. տեսանք որ ս. Աստուածաձանի ուղիղ կէտը. ս. Մննդեան տաճարի մի մասը իրենցն է. համարեայ ամբողջութեամբ իրենց ձեռքն է Սիօնի լեռը, քաղաքի ամենաբարձրագիւր և գեղեցիկ տեղը. այդ լեռան վերայ է շինած ս. Յակովբայ վանքը պատրիարքարանով, միաբանից խցերով, բազմաթիւ սենեակներով ուխտաւորների համար. այդտեղ է ուսումնարանը, մի շարք աներ վարձու տալու համար, և վերջապէս հրեշտակապետաց և ս. Փրկչի եկեղեցիները: Վերջինիս բակումն են թաղում պատրիարքներին. իսկ նորա առաջի մեծ տարածութեան վերայ թաղում են սովորական մեռեալներին: Բացի այդ յայտնի տեղերից նոքա իրենց ձեռին ունին ընդարձակ հողեր, ձիթապտղի և խաղողի այգիներ, որոնք պահուում են մեծ խնամքով և որոնց թիւ տարեց տարի աւելանում է: Այս բոլորից հետևում է որ միաբանութիւնը իր ուշքն ու միտքն միայն դէպի մի ուղղութիւն դարձրած լինելով, այն է՝ սուրբ տեղերի պահպանութիւնը, նոյն տեղերում կարգապահելով եկե-



ղեցական անհրաժեշտ արարողութիւնը և վանքի տնտեսական գործերը, ուստի չէ հետևել բարձրագոյն ուսման և գիտութեան»

Սոյն վերջին տողերին դէմ, թոյլ ենք տալիս մեզ Արժանապատիւ հեղինակի կարծիքին հակառակն ասել, որ եթէ նիւթական միջոցները նպատաւոր լինէին, Երուսաղէմի միաբանութիւնը իւր ծանր, պատասխանատու և դժուարին վիճակի մէջն անգամ, բարձրագոյն կրթութեան հոգ տանելուն չէր թերանար: Այս մեր կարծիքն՝ միայն մեր համոզումն չէ, շատերը կարող են հաստատել, ուստի նորէն նոյն զրբից յառաջ կը բերենք հետևեալ տողերը՝ 165 երեսից.

«Երրորդ բաժակը առաջարկեց Սահակ Սրբազանը\*) հրաւիրականերիս կենաց. գեղեցիկ և բանաստեղծական դարձուածներով համեմատելով իրար հետ Երուսաղէմի և Էջմիածնի վանքերը, և խօսելով թէ ի՞նչքան անհրաժեշտ և ուրախալի է աւելի յաճախ կրկնող այցելութեամբ, սերտ կերպով կապուէին իրար հետ և շատ խնդիրներում իրարից տեղեկութիւն ունենալով՝ միաձայն գործէին: Վեհափառի հրամանաւն Արիստակէս Սրբազանը\*\*) պատաս-

\*) Այժմեան Սոսի կաթողիկոսը: \*\*) Սեդրակեանը:

խանեց այդ խօսքերին, առաջարկելով Երուսաղէմի միաբանից կենաց: Նա յայտնեց այս միտքը՝ թէ նա առանց շողջորթելու և աւելացնելու, ուրախութեամբ նկատում է, որ այդտեղի միաբանութիւնը աւելի լաւ կաղմակերպուած է, որ նոքա գիտին թէ իրենց նպատակը Սուրբ երկրում ի՞նչ է, առանց այս ու այն կողմ նայելու՝ ճշտութեամբ հետևում են դէպի այդ որոշեալ կէտր»

Ահա այս բոլոր տողերից բացայայտ երևում է, որ Երուսաղէմի հայոց միաբանութիւնը միշտ հանդիպում է շատ ծանր դժուարութիւնների, որի համար միշտ ահագին ծախսեր պիտի անէ, որպէս զի մեր սպգային սեպհականութիւնները պահպանելու կարող լինի: Այդ պատճառով էլ շարունակ փոխառութիւններ կանէ ծանր սոկոսներով, և ի հարկէ միշտ պարտուց ասակ կը մնայ, քանի որ ընդարձակ եկամուտի աղբիւրներ չունի:

Այստեղ նորէն կը պարտաւորվեմք կրկնել, թէ հայ ազգն պարտաւոր է այդ պատրիարքական աթոռի պարտուց ծանրութեանն ազատուելուն հոգ տանելու, պարտաւոր է նոյնպէս նոյն ս. տեղեաց մէջ հայոց սեպհականութիւնները, իրաւունքները և պատիւ պահպանելու համար,

նորանոր օգնութիւններով այդ միաբանութեան օգնելու:

Նոյնպէս կրկնում ենք, երբ մեծ և հզօր ազգերը նոր ՚ի նորոյ ջանքեր են թափում Երուսաղէմում սրբավայրեր ձեռք բերելու, իսկ հայերը, որ արդէն քրիստոնէական սկզբնական դարերից տեղ ունեն այդ սրբավայրերում, պարտաւոր են մի կողմ թողնել կրօնական խտրութիւն, ազգային ընդհանուր ուժով և անխարդախ սիրով, թէ Լուսաւորչականը, թէ Կաթօլիկը և թէ Բողոքականը պէտք է ձեռք ձեռքի տուած, շարունակ թափօր կազմեն Գրիստոսի այն Գերեզմանի շուրջը, որ մարդասիրութեան և խաղաղութեան գանձարանն է: Նոյնպէս պէտք է միացած սիրով օգնել Երուսաղէմի հայ Պատրիարքութեանն՝ թէ բարոյապէս և թէ նիւթապէս, որ նա աւելի դիւրին միջոցներ ունենայ հայոց վանքերը հաստատուն պահելու, ազգային սեպհականութիւնները և իրաւունքներ պաշտպանելու և նրանց բարոյական պատիւն բարձրացնելու ընդհանուր քրիստոնայ ազգերի առջև:

Ահա թէ ի՞նչ պարտքեր ունին հայերը զէպիստորբ Երուսաղէմ և զէպիստորբ Երուսաղէմի հայոց Պատրիարքութիւնը:

Իբր վերջաբան, ես ինձ թոյլ եմ տալիս նա և

մի քանի խօսք ասել, որ ոչ թէ միայն իբրև քրիստոնեայ, այլ նաև իբրև մարդ, նկատելով Աւետարանի անմահ ճեղինակի բարութիւնը, մենք պարտաւոր ենք յարգել Երուսաղէմի այն սրբավայրերը, ուր շրջեց խաղաղութեան աւետարբ հրեշտակն. ուր սէր և ընդհանուր մարդկութեան միանման և հաւասար եղբայրութիւն քափոզեց Երկնային Վարդապետն. ուր Փրկիչն մեռաւ և թաղուեցաւ, որ գազանական կրքերով մոլորուած մարդկութեան յարութիւն պարգևէ, նոր կեանք պարգևէ, լոյս և անմահութիւն պարգևէ:

Աշխարհիս վերայ մարդոց կեանքը բնական հարուածներին և պատուհասներին ենթակայ չէ այնչափ՝ որչափ որ ենթակայ է մարդկային արուեստական ուժի և կամայականութեան հարուածներին: Ահա դրա համար էր, որ Երկնային Վարդապետը նոր մի ուժը և նոր մի օրէնք քարոզեց, որ արդէն մարդկային գոյութեան հետ, մարդոց բնաւորութեան հետ ստեղծուել էր վաղուց. բայց մարդիկը աշխարհիս բնական կոպիտ ուժին հետևելով՝ մոռացել էին այդ բարոյական ուժի և օրինաց ճշմարտութիւնը: Այդ նոր ուժը՝ Սէրն է, այդ նոր օրէնքը՝ Խաղաղութիւնն է, և ահա մեր Փրկիչն այդ

Սէր և խաղաղութիւնը միայն թողուց մեզ միակ կտակ. ոչ թէ այնպէս՝ ինչպէս մարդիկ կարող են խոստանալ:

Քրիստոսը իւր գերեզմանի հիմքը, Աւետարանի սկզբունքը այդ երկու նիւթերով շաղախեց. և այդ նիւթերից միայն բարձրացուց մի հոյակապ աշտարակը, որի վերայ կարող են վստահօրէն ապաստանել աշխարհիս ամէն ազգի և ցեղի մարդիկը: Այդտեղ է փրկութեան միակ միջոցը, և այդ միջոցն է միայն, որ մարդոց կրքարձրացնէ նաև դէպի բարոյական անմահ կեանքը:

Բայց, աւանդ. եթէ սէր և խաղաղութիւն միայն թողուց մեզ մեր Փրկիչն, սակայն քրիստոնէութիւնը, կամ քրիստոնիայ ազգերը սակաւին չըկրցին հասկանալ Աւետարանի ճշմարտութիւնը. մարդիկ տակաւին չըձանչցան սիրոյ և խաղաղութեան արդիւնքը, որ է անսահման բարութիւնը, անտրտում և անվիշտ կեանքի ձանապարհը:

Աւետարանի չեղինակը իւր անձնանուէր պատարագի և խաչի ձգնաժամուն վերայ ներողամտութեան օրինակ ցոյց տուեց մեզ. թշնամիի և հալածողի համար աղօթք անել պատուիրեց մեզ. ներողամտութիւնը, անհուն և

անսահման ներողամտութիւնը մեզ յիշատակ թողուց:

Սակայն ո՞ւր է մեր մէջ ներողամտութեան ոգին, ո՞ւր է մնացել քրիստոնէից սիրոյ և խաղաղութեան շինարար գործերը, որոնց փոխարէն սուրբ տեղեաց վերայ անգամ, միմեանց դէմ նախանձով և ատելութեամբ են զինուած. կրուում են նոյն իսկ և պատարագիչ քահանաները:

Մարդիկ հրապարակների վերայ, դիւանական դահլիճներում, փառաւոր սեղանների շուրջը սէր և խաղաղութիւն են քարոզում խօսքով միայն. իսկ իրենք իրենց ներքին կեանքի մէջ, իրենց տան սեղանի շուրջ, որդին հօր, հայրը զուակներին և եղբայրը եղբօր դէմ դաւ են լարում, մահ են պատճառում, որ միմեանց ժառագութիւններ խլեն, միւսի պատառն էլ կլանեն, մէկին անսուաղ մեռցնեն և միւսին իրենց սեղանի վերայից հեռացնեն:

Աշխարհիս վերայ բոլոր տիրապետութիւնները և օրէնադէտները զանազան օրինադրքեր հեղինակելով, յանցաւորներին և չարագործներին պատժելով, չեն կարողացիլ աշխարհիս երեսից վերացնել ոճիր և անիրաւութիւնը: Իսկ երբ մարդիկ այնչափ զարգանան, որ կարողանան ստուգապէս ըմբռնել Աւետարանի ճշմարտու-

Թիւնը, այն ատեն պատժական օրինաց փոխարէն պէտք է հաստատուի բարիներին վարձատրելու օրինագիրքը. իսկ չարերին զգաստացնելու համար, փոխանակ բանտեր բարձրացնելու՝ կրթարանները պիտի բարձրացնեն. փոխանակ պատերազմական կրթութիւններին՝ խաղաղութեան և ներողամտութեան դասերովն զգաստացնեն մարդկային սխալումներին ենթակայ մահկանացուներին: Ահա այս է Աւետարանի նպատակը:

Նոյնպէս երբ բանտերի և պատերազմի համար վատնուած գումարները բարդուին կրթական գործին յատկացված գումարին վերայ, երբ արգելանոցները կը քանդուին և նրանց տեղ կը բարձրանան հանրային ուսումնարանները, երբ պատերազմական գործիքների փոխարէն մարդոց ձեռք կուտան գրիչ և թուղթ, բազ և փրփչը, այն ատեն միայն պիտի նուազի չարագործների թիւը:

Պատերազմը աշխարհիս ամենամեծ չարիքն է, զոր ստեղծել են մարդիկ. իսկ երբ այսօր Ռուսական խաղաղասէր պետութիւնը հիմք դրել է խաղաղասիրութեան վեհաժողովին, ի հարկէ յետագայ դարերը պիտի արգարացնեն ընդհանուր քրիստոնէութեան ճշմարիտ յոյսը,

և աշխարհիս վերայ պիտի տիրէ սիրոյ և ներողամտութեան կատարեալ և կենդանարար օրէնքը. և այդ օրէնքն միայն կարող է մարդոց կատարեալ մարդ դարձնել. «ինչպէս ո՞ր մեր Երկնաւոր չայրն կատարեալ է:»

Սյդ օրինագիրքը Աւետարանն է, որ մեր Փրկիչը քարոզեց Երուսաղէմի հրապարակի վերայ: Սիօնի բարձունքից, Խաչի վերայից տարածեց Նա իւր ձեռները դէպի ընդհանուր մարդկութիւնը և հրաւիրեց բոլորին դէպի Աւետարանի թագաւորութեան հպատակութիւնը:

Սյդ հպատակութեան «լուծը՝ շատ քաղցր է, բեռը՝ շատ թեթեւ է», ոչ մի մարդ չը ճիշուիր, չը նեղուիր այդ հպատակութեան մէջ. վասն զի Աւետարանի թագաւորութեան օրինագիրքը՝ ներողամտութիւնն է, նրա իշխանութեան կոչումն՝ անսահման սէրն է:

Ուրեմն նոյն իսկ ոչ թէ միայն քրիստոնէութիւնը, այլ ընդհանուր մարդկութիւնը շատ մեծ յոյսերով կարող է դիմել դէպի Աւետարանի թագաւորութիւնը, որի աթոռը հաստատուել է Երուսաղէմում. մարդասիրութեան և անձնագոհութեան օրինակ տուող Փրկչի Գեղեզմանին վերայ:


Բայց քանի որ մարդիկը, ընդհանուր սիրով



չեն դիմել զէպի այդ խաղաղութեան թաղաւորութիւնը, քանի որ, նոյն իսկ այդ սիրոյ և ներողամտութեան կենդանի մարմնացում եղող Յիսուս Քրիստոսի Գերեզմանին շուրջը, քրիստոնեայ ազգերը մին միւսի փառաց կրնախանձին, միմեանց փնասել կաշխատեն, մենք, ահամայ, պարտաւորութիւն ենք զգում նորից կրկնելու, որ չայ ազգն ալ իւր իրաւունքները և սեպհականութիւնները պահպանելու ջանք թափելով հանդերձ՝ խաղաղութեան և սիրոյ զինուոր պէտք է մնայ, յուսալով ընդ միշտ, որ Աւետարանի ճշմարտութիւնը մի օր պիտի յաղթանակէ. և Փրկչի Գերեզմանը մի օր պիտի զարգարուի այն զրօշակօջի, որ ընդհանուր մարդկութեան սէր և լոյս պիտի բախշէ:

Այդ զրօշակը Աւետարանի թաղաւորութեան զրօշակն է, որի չորս անկիւնի վերայ կրփայլեն Սէր, Լոյս, Ներողութիւն և Խաղաղութիւն բառերը. իսկ մէջտեղում, զենանշանի փոխարէն խաչաձև զրված է երկու բառ, այն է «Ընդհանուր Մարդկութիւն»:

Ուրեմն ամէնքս էլ աչքերնիս դարձնենք զէպի այդ խաղաղութեան աշխարհը, զէպի Աւետարանի թաղաւորութիւնը, որի մայրաքաղաքն է Սուրբ Երուսաղէմ:



«Ազգային գրադարան»



NL0160894



C ՊՐՄ-Ա  
3253

1  
2

301

---

---

ԳԻՆՆ Է 20 ԿՈՊ.

---

---